

DON JOSÉ LUIS PAJÓN CAMBA, ALCALDE-PRESIDENTE DO CONCELLO DE OOUROL, PROVINCIA DE LUGO.

Vista a necesidade de aprobar as Bases reguladoras para a convocatoria de axudas transporte ao alumnado do concello de Oourol que realizou estudos fóra do termo municipal, (Curso Académico 2025-2026), cuxo texto literal é o que segue:

“BASES REGULADORAS PARA A CONVOCATORIA DE AXUDAS TRANSPORTE AO ALUMNADO DO CONCELLO DE OOUROL QUE REALICE ESTUDOS FÓRA DO TERMO MUNICIPAL (CURSO ACADÉMICO 2025-2026).

1.OBXECTO E FINALIDADE DAS AXUDAS.

Convocatoria de concesión de axudas económicas individuais destinadas a sufragar os gastos de desprazamento daqueles/as alumnos/-as do Concello que estudan fóra do termo municipal durante o curso 2025-2026.

2.BENEFICIARIOS/-AS.

Poderán ser beneficiarios/-as destas axudas aqueles xoves do Concello de Oourol que estean cursando Bacharelato ou algunha modalidade de ciclos formativos de grao medio ou superior e graos, másters, teses ou doutorados universitarios, agás os realizados na modalidade de formación a distancia ou online.

Quedan excluídos destas axudas aqueles estudantes que puideron ser solicitantes da “ Tarxeta Xente Nova”, da Xunta de Galicia, durante o Curso 2025-2026.

Aqueles estudantes que, por causa da idade, se viran excluídos durante o Curso 2025-2026, do ámbito de aplicación da “ Tarxeta Xente Nova”, poderán solicitar estas axudas, polos meses do curso que se viran excluídos, (considerarase que o curso vai dende setembro a xullo).

3.REQUISITOS.

Serán requisitos necesarios para a concesión de axudas:

3.1.-Estar empadroadado/a no Concello de Oourol

3.2.-Figurar matriculado/a no curso académico 2025-2026 en centros de ensinanza financiados con fondos públicos nos que se cursen os estudos relacionados na base 2.

4.TIPO DE AXUDAS.

Os xoves que cumpran os requisitos anteriormente mencionados serán beneficiarios/as dunha axuda económica de pagamento único, sendo esa cantidade idéntica para cada beneficiario/-a, segundo a quilometraxe na que estea incluído, (tomarase como punto de partido a sede do concello de Oourol). A cantidade concedida será aprobada posteriormente polo órgano competente con arranxo aos seguintes criterios:

- De 1km. a 15 km 100 euros
- De 15km. a 50km..... 150 euros
- De 50km. a 175km..... 200 euros
- De máis de 175km..... 250 euros

Aqueles estudantes, que cumpran os requisitos da base 3ª e cursen estudos fóra de Galicia, poderán ser beneficiarios/as dunha axuda única de trescentos euros, (300,00 €).

Para a concesión destas axudas existe crédito adecuado e suficiente na aplicación orzamentaria 323.480 do orzamento municipal do exercicio 2026.

5.SOLICITUDES, DOCUMENTACIÓN E XUSTIFICACIÓN DA AXUDA.

As solicitudes formularanse mediante instancia subscrita polo/a interesado/a segundo o modelo oficial que será distribuído aos/as interesados/as que así o desexen no Rexistro Xeral do Concello de Oourol dentro do prazo indicado, aportando a seguinte documentación:

1.- Solicitud debidamente cumprimentada e asinada polo/a interesado/a (se é menor de idade, polo seu pai, nai ou titor).

2.- Fotocopia do DNI do/a solicitante debidamente cotexado co seu orixinal.

3.- Certificación bancaria da conta corrente do/a interesado/a, no seu caso.

Xustificación para o cobro da axuda.

A documentación a aportar será a seguinte:

1.Para os/ as alumnos/as universitarios/as:

1.1.-Fotocopia da matrícula cotexada co seu orixinal.

1.2.-Extracto do expediente universitario ou certificación do centro académico de terse presentado polo menos ao 50% das materias correspondentes á matrícula do curso 2025-2026.

1.3.- Documentación que acredite a localidade onde se están a cursar os estudos.

2.Para os/as alumnos/as de Bacharelato ou Formación profesional:

2.1.- Fotocopia cotexada do boletín de cualificacións ou certificación académica expedida polo centro ou certificación do centro de terse presentado polo menos ao 50% das materias correspondentes á matrícula no curso 2025-2026.

DECRETO
Número: 2026-0216 Data: 27/08/2026

Cod. Validación: A5NZE6YEPN67ZKZRTS5TDN
Corrección: https://concelloourol.sedelectronica.es/
Documento asinado electronicamente desde a plataforma xestiona esPublico | Páxina 1 a 2



6.LUGAR E PRAZO DE PRESENTACIÓN DE SOLICITUDES.

As solicitudes e a documentación requirida presentaranse no Rexistro Xeral do Concello de Ourense. O prazo de presentación de solicitudes e demais documentación xustificativa da axuda, é de 15 días naturais, que se computará a partir do día seguinte ao da publicación das bases desta convocatoria no Boletín Oficial da Provincia de Lugo.

Se o último día de presentación das solicitudes coincidise en sábado, domingo ou festivo prorrogarase o prazo ata o primeiro día hábil seguinte.

7.PUBLICIDADE.

A presente convocatoria de axudas publicarase no Boletín Oficial da Provincia de Lugo e no taboleiro de anuncios do Concello.

De non presentarse alegacións, ou no caso de que este trámite non fose necesario con arranxo ao parágrafo anterior, a proposta de resolución terá automaticamente o carácter de proposta de resolución definitiva.

8.COMISIÓN AVALIADORA.

A comisión avaliadora será designada polo Sr. Alcalde-Presidente, quen tamén fixará a data da súa reunión.

9. RESOLUCIÓN.

O órgano competente para a concesión das axudas, emitirá un acordo de concesión ou denegación debidamente motivado, quedando constancia no expediente dos fundamentos da resolución que se adopte. As axudas concedidas serán notificadas individualmente.

Ourense, data da sinatura á marxe.

O alcalde-presidente

Asdº.- José Luis Pajón Camba

(Documento asinado dixitalmente á marxe)

Dilixencia, esténdoa eu, secretaria-interventora, para facer constar que as presentes bases compostas de dúas follas numeradas (2), foron aprobadas por Decreto de Alcaldía nº

Ourense, data da sinatura á marxe.

A secretaria-interventora

Asdº.- María Jesús Mosquera Carregal

(Documento asinado dixitalmente á marxe) ”

Vista a documentación obrante no expediente,

RESOLVO:

1º.- Aprobar as Bases reguladoras para a convocatoria de axudas transporte ao alumnado do concello de Ourense que realice estudos fóra do termo municipal (Curso Académico 2025-2026), anteriormente transcritas.

2º.- Publicar a convocatoria no Boletín Oficial da Provincia de Lugo e no taboleiro de anuncios do concello para os efectos da súa publicidade.

3º.- Dar conta da presente resolución no primeiro Pleno ordinario que se celebre de conformidade co disposto no artigo 42 do Regulamento de organización, funcionamento e réxime xurídico das Entidades Locais.

Asinado dixitalmente no Concello de Ourense na data que figura ao marxe desta resolución polo Sr. Alcalde, don José Luis Pajón Camba. Pola secretaria-interventora tómase razón para a súa constancia/transcrición ao libro de Resolucións da Alcaldía aos sós efectos de garantir a súa integridade e autenticidade (art. 3.2 do RD 128/2018).

DOCUMENTO ASINADO DIXITALMENTE

DECRETO
Número: 2026-0216 Data: 27/08/2026

Cod. Validación: A5NZE6YEPN67ZKZRTS5TDN
Corrección: https://concellodeourense.es/
Documento asinado electronicamente desde a plataforma xestiona esPublico | Páxina 2 a 2

